



# DEN NORSKE KYRKJA

Alver kyrkjelege fellesråd

Alver kommune  
Postboks 4  
5906 Frekhaug

Dato: 27.04.2023

Vår ref: 22/05538-7

Dykkar ref:

## Søknad om tilskot i forbindelse med 1. tertial 2023

Etter avtale med kommunen v/ ass. kommunedirektør Kulild søker Alver kyrkjelege fellesråd om tilskot i forbindelse med kommunen si behandling av 1. tertial 2023.

Vi har utgangspunkt i 1. tertial som revidering av 2023-budsjettet, og har ikkje tatt opp nye saker.

Fellesrådet behandla søknad til kommunen i sak 10/23, og vedtok å søke om støtte til fleire saker:

### Søknad og tilskot ordinært budsjett 2023.

### Søknad 1. tertial

|   | Tema                                 | Søknad   | Tilskot       | Ny søknad 1. tertial (mill.kr)               |
|---|--------------------------------------|----------|---------------|----------------------------------------------|
| 1 | Driftstilskot, komp auka kostnader   | 1,00     | 0             | 0,40. Diff 3,7% og 5,1%                      |
| 2 | Langsiktig vedlikehaldsplan (4-årig) | 2,50 + 1 | 2,50 (totalt) | 0,30. Til Myking og Seim                     |
|   |                                      |          |               |                                              |
|   | <b>Investeringar</b>                 |          |               |                                              |
| 3 | Bilar/utstyr                         | 1,10     | 0             | 0,25. til Rider (plenklippar)                |
| 4 | Gjenbruk gravplassar                 | 1,50     | 0             | 0,75. Alversund + planlegging andre gravfelt |
| 6 | Namna minnelundar                    | 1,50     | 0             | 0,50. Prosjektering/konsulent                |

#### 1 Driftstilskot, kompensasjon auke kostnader

Kyrkja er heilt avhengig av å få kompensasjon for generell pris- og lønsauke. I samband med budsjett 2022 fekk kyrkja ein deflator på 3,7%, men så langt vi kan sjå blei faktisk prisauke/indeks det året 5,3%. Denne differansen på 1,6% utgjer om lag kr 400.000, som vi søker om nå. Det er viktig at grunnbeløpet aukar tilsvarande.

#### 2 Langsiktig vedlikehaldsplan

Våren 2021 blei det utarbeidd ein langsiktig vedlikehaldsplan for dei 14 kyrkjene som fellesrådet har ansvar for. Det blei lagt til grunn eit tilskot frå kommunen på kr 2,5 mill kvart år. Laupande vedlikehald skulle koma i tillegg. Tilskotet har vore lågare kvart år, i tillegg har pris på varer auka ganske mykje. Årleg vedlikehaldsbehov er no høgare enn i det var 2021, i alle fall kr 3,5 mill pr år + laupande vedlikehald.

For 2023 har kommunen gitt samla tilskot til vedlikehald på kr 2,5 mill. Av dette har fellesrådet reservert kr 0,5 mill til det daglege laupande, og 2 mill kr til planlagt vedlikehald. Sæbø kyrkje var neste på planen. Heilt ferske anbod viser at 2 mill kr går med til Sæbø. Men vi har ganske akutte behov på Myking kyrkje, som er stygg no, og det er behov for å starte på Seim kyrkje.

Vi søker om kr 0,3 mill ekstra til vedlikehald av kyrkjene i 2023.

### 3 Bilar/utstyr

Det er 21 aktive gravplassar i Alver, og både vedlikehald og gravlegging krev at fellesrådet har ein del bilar og utstyr.

2022 var eit år med ganske mange gravferder og bisetjingar. Totalt var det 221, fordelt på 161 kister og 60 urner. I 2021 sette vi ned 134 kistegraver og 55 urner (sum 189), ei endring frå 133 og 29 i 2020 (sum 162).

Det var krevjande at kommunen ga fellesrådet 0,0 kr til bilar og utstyr for 2023. Vi sakna óg dialog i forkant av dette. Det er ikkje alltid lurt å reparere på gammalt utstyr.

I denne søknaden søker vi om tilskot på kr 0,25 mill til utstyr til driftsavdelinga.

### 4 Gjenbruk gravplassar

Både i samband med kommunen sitt arbeid med ny arealplan og budsjett, har fellesrådet vist at fleire mindre gravplassar blir fulle. Vi kan skaffe litt ny plass ved å bruke om att eldre områder på desse gravplassane. Slik gjenbruk må både prosjekterast og ofte godkjennast før ein kan sette i gang. Det tar derfor litt tid.

Det var krevjande at kommunen gav fellesrådet 0,0 kr til gjenbruk av gravplassar for 2023. Vi sakna óg dialog i forkant av dette. Fellesrådet håper kommunen kan gje tilskot no til å gjennomføre meir prosjektering, slik at vi får betre totaloversikt over kostnader framover, og kan gjere konkret arbeid på Alversund som er ein populær gravplass som blir full.

Vi søker om kr 0,75 mill til dette.

### 5 Namna minnelund

Det er behov for namna minnelundar i Alver. Vi veit det er etterspurnad frå familiar, og det er fornuftig av omsyn til plassutnytting. Sjølv om det etter kvart vil koma slik minnelund på nye Lindås gravplass, og truleg seinare på Meland når den «gamle» planen blir tatt fram igjen (kjem ny søknad til budsjett 2024), meiner vi det også bør vera slike minnelundar i Knarvik og Manger.

Vi fekk ikkje pengar til namna minnelundar i ordinært budsjett, men fellesrådet meiner det er klokt å starte med prosjekteringa no. Då får vi meir nøyaktig byggepris, og vi kan vera klare til bygging straks det seinare kjem investeringstilskot.

Vi søker om kr 0,50 mill til prosjektering av to minnelundar (denne jobben må vi setja bort til eksterne).

### Kyrkjetomt Frekhaug, 5 mill.

I tillegg til sakene 1-5 over, som har referanse til ordinær budsjettssøknad for 2023, har fellesrådet hatt fleire saker i kommunen om kyrkjetomt Frekhaug, og forståing av samarbeidsavtalen mellom fellesrådet og kommunen. Som oppfølging av sak 49/23 i kommunestyret 30.03 søker fellesrådet om at kr 5 mill no kan bli utbetalt til kyrkjetomt på

Frekhaug. Det konkrete er framleis unntatt offentlegheit, og må bli tatt opp på anna vis enn i denne saka.

Med helsing

Tove Sneås Skauge  
Leiar Alver kyrkjelege fellesråd

John Fredrik Wallace  
Kyrkjeverje

*Dokumentet er elektronisk godkjent og har difor ingen signatur.*

Kopi til:

Tove Sneås Skauge  
Alver kyrkjelege fellesråd, John Fredrik  
Wallace  
Astrid Aarhus Byrknes  
Alver kommuneSara Sekkingstad

Lonsvegen 9  
Lonsvegen 1

5914 ISDALSTØ  
5914 ISDALSTØ

Oterhaugane 18 A  
Postboks 4

5914 Isdalstø  
5906 Frekhaug

Mottakere:

Alver kommune  
Alver kommune, Martin Kulild

Postboks 4  
Postboks 4

5906 Frekhaug  
5906 Frekhaug